


皇朝實錄

冊七十



大清世祖體天隆運英睿欽文大德弘功至仁純孝
章皇帝實錄卷之一百四十二

順治十七年十一月壬子朔

諭刑部曰朕覽朝審招冊待決囚犯甚衆雖各犯
自罹法網國憲難寬但朕思人命至重槩行正法
於心不忍明年歲次辛丑為

皇太后本命元辰普天共慶又念端敬皇后彌留時
諄：以矜恤秋決遺言朕是以體

上天好生之德特沛解網之仁見在監候各犯槩從
減等使之創艾者改稱朕刑期無刑嘉與海內雜

新之意尔部即会同法司将各犯比照减等例定
擬罪名開具簡明冊揭來奏 賞平南王尚可喜
靖南王耿繼茂貂衣帽靴佩刀鞞帶各一以捐資
造戰船故也 少傅兼太子太傅刑部尚書文淵
閣大學士謝國祚考滿加少師兼太子太師賜羊
酒廕一子入監讀書 礼部右侍郎翰林院掌院
學士王熙考滿加礼部尚書廕一子入監讀書

癸丑

陞署都督同知管福建汀州府付將事高守貴為
都督同知充鎮守湖廣辰常等處總兵官

甲寅

遣官祭

三皇 陞都察院左付都御史科尔爾為吏部侍
郎原任兵部啟心郎介山為工部侍郎 免直隸
趙州伯鄉縣隆平縣新樂縣真定衛十六年分水
灾額賦 以靖南王下故拖沙喇哈番沙祖亮子
有相姚九功子宗唐襲職 户部覆四川巡按張
所志條上鹽政疏言蜀省開鑿鹽井寔屬艱難應
照開荒事例三年後起科以廣招徠新鑿鹽井仍
令每年報部武弁抽索灶丁應嚴行申飭違者題

泰重慶貧民易食鹽斤應令四十斤以下者准免
課稅四十斤以上者仍令納課至蜀者鹽課則例
查明季萬曆年間額鹽九百八十六萬一千二百
四十斤歲解陝西者銀五萬二千五百兩歲留本省
備用銀二萬一千四百三十九兩其行鹽地方係
成都府嘉定州叙州府潼川府順慶府保寧府慶
元縣夔州府廣安州雅州也其告運行鹽事宜鍋
等徵收則例部內亦無冊籍可查應行該御史詳
細諮訪斟酌損益具題再定則例疏上從之

乙卯

免江西寧州上饒豐城奉新武寧進賢高安上高
新昌靖江新喻峽江新淦永豐弋陽玉山德興宜
春分宜萬載新建安義安福貴溪具安吉水永新
都昌崇仁餘干東鄉鉛山安仁靖安太和房陵鄱
陽臨川樂安星子浮梁樂平南昌永豐萬年等縣
十六年分旱災田糧

丙辰

遣內大臣伯索尼祭

端敬皇后

丁巳

諭刑部等衙門曰見在監候各犯頃有詣旨驟從減等其中或有應杖決者今年着停處決戶部遵旨言直隸慶都完縣被災分數俟談撫查報另行議覆其曲陽縣既被水災應免十七年地畝額賦從之安南將軍明安達禮班師遣官迎勞之戶科給事中胡悉寧言近奉有見在監候各犯概從減等之

上諭薄海內外皆蒙恩恤矣其恤刑一差不若勅部撤回以見恩自

上出省地方繁費踴入得旨這本說的是允待決重

犯驟行減等已有諭旨這恤刑各官着撤回

戊午

都察院左都御史霍達言邇來每年科道吏部內陞外又將外官內陞四人亦未嘗計及每年京官有十缺並出否也更經截去大僕兩缺兩年來已覺滯碍難行且不論才品不察有荐無荐但以品級相對者為準京鄉冒濫於斯極矣甚至五品京鄉缺出適當外官陞內之時即以一年之僉事充之既無荐剡又無功績不知吏部何所見而輒登啟事也懲前毖後則外官每年內陞四人之例斷

斷當更自請嗣後凡司道之內陞者須察有荐郊
功績而歷練經三四任者方許內陞每歲六不得
過兩人更必待十六十七兩年見在候缺之官填
補已盡方可由內及外命所司詳議具奏

己未

加江南狼山營副將鮑虎署都督僉事照日常事

辛未

議政王貝勒大臣九卿科道遵旨會議疏曰魏裔
介季振宜踪叅刘正宗与總兵刘芳名結為兄弟
給假回籍山東巡抚耿焯送銀三千兩又强占絲

布二行營利及刘祚遠之補巡撫曹申吉之內陞
各款俱無確拠無可議罪外凡自陳所有过失不
許隱瞞刘正宗乃于自陳疏內將前

上諭所有持論矯偏处事執謬暴戾褊淺過失日增
切責數十語不行全列竟行隱諱此其一也又魏
裔介奏疏內云李昌祚係李之春叛案內有名之
人乃於

上前票擬令李昌祚內陞劉正宗克成翠係者詳本
章之官刑部本章皆已看過何不奏知使叛案之
人得入九列佯作不知明係党叛據伊口供雖稱

李昌祚于十四十五年俱在京做官彼時為何不
拿但李昌祚見在緝拿俟獲日審擬在案而此李
昌祚或是与否既姓名相合于内陞時何不奏明
此其一矣董國祥係伊保奉之官目叔管貪官盧
慎言打点之銀已經議罪流徙保奉之人已犯重
罪不行認罪檢奉此其一也季振宜供稱前有楊
義董將國祥以不肖題參據伊口供乃稱揚參董
國祥日京畿道刷卷互相爭競題參及查楊義原
參跡内正宗甫到吏部即荐董國祥等在廷豈無
賢者何故遠荐若輩以降處之負外越補郎中非

師弟私人而何等語伊乃止稱目刷卷題參此其
一也俱伊口供魏裔介目奉旨好生可惡本當提
問隨托艾元貞來說太老師在内怎不照管如此
批得不好又托李欽向成克鞏說刘正宗有惱我
之處我們是同鄉怎不照管此語是成克鞏向我
說的及問艾元徵李欽俱稱並無此事魏裔介若
果將此語托艾元徵李欽傳說此事重大伊等當
日豈不陳奏乃于魏裔介參後方將此語說出伊
与成克鞏豈非挾讐誣說此其一也將艾元徵与
伊質对伊隨改供我不曾供托艾元徵向我說我

說是我說話時艾元徵曾說我也聽見來傳說的
人錯了及王崇簡等說伊說過是寔伊方云于叅
本之外多說話是我不是止就叅的事情說罷此
段口供不必寫反覆巧辨此其一也批伊口供劉
正李四年投誠在佟恭甲下効用後目拿獲逆宦
之功補授文登守備批劉正李供稱四年投誠後
李成棟反了佟恭甲被殺我也反了做偽叅將七
年投誠平南王此等情節當日伊雖不知劉正學
回籍伊豈不知身為大臣不以寔奏竟行隱諱此
其一也批伊回奏疏內止將劉正學四年投誠目

有擒逆宦之功補授文登守備情節具奏既知目
未叛以前之功題授守備等情其復行反叛情節
乃為隱諱則与裔介所叅劉正學未有寸功暗囑
耿焯題授守備之語相合此其一也批裔介供稱
先因不叅陳名夏之子將言官俱經議故將劉正
學一并題叅原叅本內有：司官畏正學如虎之
語劉正宗不許回奏是何緣故批伊供稱我恐本
長所以此話不曾回奏是寔又問尔回奏本內字
數逾格已經奏明多有何妨何不回奏伊方辭窮
云將此話不曾回奏我有何說此其一也裔介叅

跡內有張縉彥序正宗之詩曰將明之才其言詭
譎尤不可解同怀叵測之心于此昭然等語
皇上念臣大臣不即加處分令其自行口奏正宗不
擬寔回奏反巧飾奏稱此語誠似詭譎縉彥序中
未見此語欺瞞

皇上此其一也正宗身係大臣

御前詳問仍巧辨不曾送吾書反至張縉彥供吐真
情伊方承情送書是實曰喬介題參惧怕扯毀此
其一也其將明之才一語既係詩經漢書顏真卿
墨刻所載若非兩借何不即行承認巧辨欺飾惧

怕扯毀在御前

御前屢問張縉彥則稱未送伊則稱不曾送不肯承
認實有詭譎之意与原參將明之才其言詭譎尤
不可解同怀叵測之心並前供雖古書所載是兩
借意思等語相合情罪重大刘正宗相應立統張
晉彥為刘正宗所作詩序寫有將明之才送與刘
正宗乃復謊稱曾与魏喬介林起龍張璠王熙未
送刘正宗此其一也既做詩序刻板送人復云尚
未成書止有几本不曾遍与人问我要的我就送
他殊屬巧辨此其一也又云此一篇原係草稿刻

與不刻吾不知道問既係草稿為何送人復行改
供我改做的這一篇刻与不刻吾不知道先做的
一篇已刻在書內送人我豈不知我只當問後改
做的序答應錯了反復巧辨此其一也又在

御前詳問將送書實情仍行巧飾謊供是寔將明之
才一語既係詩經西漢書顏真卿墨刻所載若非
而借何不即行承認又為何懼怕巧詞及至詢方
供送刘宗正是寔目題參詭譎悞怕謊供是寔又
欺飾在

御前屢問正宗則称不曾送伊則称未送不肯承認

寔有詭譎之意与原參將明之才其言詭譎尤
不可解同怀巨測之心並前供雖古書所載是兩
借意思等語相合又批臺蕭震題參踪內明季事
情無可查據外參內有張縉彥叛逆於先代復懷
巨測于本

朝等語張晉彦以詭譎言詞作成詩序煽惑人心
情罪重大張縉彥相應立斬又魏裔介疏參成克
鞏荐周亮工徇私顯然只宜寔認罪乃則曰孫
承澤合詞再則曰不為特荐其巧飾寔甚據成克
鞏供称我回奏內只求

皇上處分並無別話隨查成克鞏原疏內係求請處分奉旨寬宥此款成克鞏無可議罪除此多款外魏裔介叅成克鞏李昌祚係李之春叛案有名之人乃於

上前票擬令李昌祚內陞劉正宗成克鞏係首詳本章之官刑部本章皆已省過何不奏知使叛案之人得入九列佯作不知明係叛黨批伊回奏疏內雖李之春叛案發覺有年李昌祚果係叛案之人即當拿獲正法不但不為九列亦不得為職官何以聽其尚任司道不行拿獲但李昌祚見在緝拿

俟獲日審擬在案而李昌祚或是否既姓名相合於內陞時何不奏明此其一也據劉正宗供稱魏裔介奉旨旨嚴旨囑李敬向係閔說情由據伊供稱李敬來向我說魏裔介目奉了嚴旨甚是恐懼怨尔是同鄉人怎不照管曾將此話對我說不知是魏裔介使他說是他自己來說我不知道及問李敬魏裔介批供並無此事如魏裔介果有此話李敬果將此話向伊傳說此事重大當日伊豈不奏明乃於魏裔介叅後方行說出成克鞏同為大臣比附劉正宗此其一也成克鞏仍革職

魏喬介參款內雖有三款屬虛但所參別款確實
魏喬介相應免罪仍行補用李振宜參款內四款
俱虛但所參董國祥一款確實亦應免罪仍行補
用劉正學反叛情節後既經投誠無容查議外查
其提授守備係四年未叛以前之功授為守備七
年投誠之後並未立功正學應革職為民永不叙
用原任山東巡撫耿焞將投誠無功之劉正學竟
題授守備相應議處已經別案提問無容再議李
昌情詐由雖干叛賊李之春家搜出偽劄內有檢
討李昌詐劄付一張但李之春供稱將此劄付携

帶已經五年曰李昌詐不知在於何處不曾與他
未經指出係何者之人偽劄文未到李昌詐之手
係同名之人亦不可知李昌詐相應免議魏喬介
疏奏劉祚遠元年以後不曾歸順投入海寇鄭成
功處為大帥六年始回營求復其秀才擬劉祚遠
供稱我自小並未南行一步歷年考案可查擬劉
正李李弼等口供亦稱並不曾同伊等面去隨將
劉祚遠考案行查山東巡撫回稱順治二年五月
六年七年俱經考過等語又問劉祚遠三年四年
為何不考據供三年係分外添一次科考、與不

考由入我又患病故不曾考四年學道不曾來所以未考劉祚遠三年四年未考緣由復行查山東巡撫侯查到之日再行議覆李弼劉正燦于心宇等審係無干無庸擬議上得旨劉正宗性質叅戾器量褊淺持論矯激偏私罔揆于理处事執謬自恣務顯所長悻復瑣屑負氣乖張唯以沽名好勝為事顧弗國家大体時或適則驕矜誇詡偶拂其意則忿然不平絕無休之考成之度凡其劣狀朕素知之特以才學故加擢用屢行誡飭嚴諭冀其省改以副朕簡拔之意乃置若罔聞性愈恣睢量

愈褊急卒無後悔罪過滋多大員擢用深忌本當依議處死念任用有年姑從寬免死着仍革職追奪誥命籍沒家產一半歸入旗下不許回籍張縉彥巧辯欺飾本當依議處死亦從寬免死着革職追奪誥命全籍沒家產流徙寧古塔地方成克擘素性庸劣但依違附和凡事目人非能專擅自用者姑從寬免罪着復職仍由原任餘俱依議

壬戌

議政王貝勒大臣遵諭會議御史一官原為察吏安民而設其直省巡方應仍舊差遣得旨巡方職

任察吏安民關係重大年來屢停屢復原為計安
民生澄清吏治故不得不其難其慎欲照舊議差
恐仍踵前轍於地方無益有害欲為停止又恐各
督撫既掌繁劇不能親巡詳察其貽悞地方亦復
不小今依諸王大臣等議仍舊差遣但立法更宜
加嚴考挾宜當矢公巡方官奉命差出務須大破
從前積習恪遵誠諭不得視為故事潔己必賄賂
盡絕愛民必疴癢相關奉劾必確當廉貪興除必
熟籌利弊尚擬刑名必無寬無縱訪拿豪蠹必大
惡大奸地方遇有盜賊灾荒必據實馳奏不許耽

延欺蒙滅驕從以恤驛困禁鋪設以舒民力拒叅
謂以杜逢迎督共事地方止商確公事不許私寔
饋遺如不恪遵力行一經發覺必行重處各差御
史奉差出京如何体訪稽察差滿回京如何詳細
考核都察院堂上官及河南道嚴議條例具奏
以致仕三寺阿達哈三番孫得勝子世奇襲職
廣西巡撫于時躍疏報懇民田屯田二千二百五
十餘頃

癸亥

輔國公喇世塔卒謚恪僖

甲子

諭吏部曰佐領員缺以前佐領兄弟子係補授係向未定例爾部補授佐領一疏曰昇苞病故應員缺補止擬聞散陳啟泰陪擬聞散陳進李既無兄弟子姪堪任自應選擇才品補用但一時缺出方許開送其中恐有營狗情弊且未必得人嗣後應將各旗佐領下人貢才品優長堪任佐領者遴選預備如遇無應補兄弟子侄缺出即行補授爾部仍酌議定例具奏又諭吏部曰巡按御史臧司察吏安民所屬官員差滿例應荐奉必公廉詳慎杜

絕情面始足鼓勵人林澄清吏治近覽爾部覆福建巡按李時茂舉劾方面疏稱道官宋杞宋可發法若真歷俸俱未滿一年不准註冊開荐不合例應聽都察院考核李時茂身任巡方荐奉事例豈有不知 違例濫奉大不合理着嚴加考核議處具奏守祀等不應荐而獲荐其中豈無請托情弊着一併戾察議處嗣後違例荐奉者併所荐之人俱照此例一体戾加處分爾部即遵諭行 裁廣東甲子門所歸併海豐所海朗所歸併雙屯所錦囊所歸併海安所樂民所歸併海康所儋州所歸

崖州所南山所歸併万州所當化所歸併清瀾所
乙丑

先是吏部尚書孫廷銓等言五品小京堂例既不
得與四品京堂較俸陞轉而四品京堂缺出又有
內外應陞京堂之官接連補授則五品小京堂終
無陞遷之期嗣後每年四品缺出京官內陞數員
補完後即陞五品一員外官應陞員數補完後再
陞五品一員至是部衆應如所請以疏壅滯從之
禮部遵諭議晉封

太祖妃號應令內閣恭擬上請欽定其金冊等項行

工部造冊文內閣擬擬俟備辦畢行欽天監擇
吉照例行至于金宝應否告用伏候

上裁命用金寶 和碩敬謹親王尼思哈薨年十歲

己巳

遣和碩額駙花善祭金太祖陵內大臣公義赫祭
金世宗陵

辛未冬至節祀

天子

園丘遣固山貝子顧爾瑪洪行禮 遣官祭
端敬皇后 免行慶賀禮 太保兼太子太師吏部

尚書中和殿大學士金之俊考滿加太傅廕一子
入監讀書 陞貴州按察使顏敏為廣西布政使
司右布政使浙江按察使萬全為云南布政使司
右布政使山東按察使于文龍為廣東布政使司
右布政使陝西湖西道付使許琮為四川布政使
司叅政分守川北道山東濟南道付使楊暎為山
西布政使司叅政分守真寧道陝西漢羌道付使
曹士琦為雲南布政使司叅政分守安普道山東
運使陳秉直為山西布政使司叅政分守河東道
陝西寧道付使董奎武為廣西布政使司叅政
兼按察司付使分巡蒼梧道陝西東路道付使李
登第為湖廣布政使司叅政兼按察司付使分巡
下江防道廣東驛傳道付使萬翔為浙江布政使
司叅政兼按察司付使分巡溫處道山西真南道
叅議申偉抱為福建按察司副使分巡漳南道山
東濟南道叅議楊陞為本省按察司付使分巡東
昌道貴州都清道僉事張道澄為陝西布政使司
叅議管按察司付使事清軍驛傳道福建福寧道
僉事周文華為山東布政使司叅議管按察司付
使事分巡沂州兵備道浙江寧紹道僉事荆世爵

為河南布政使司叅議管按察司副使分巡管河南工部郎中胡尚澂為浙江按察司僉事提調學政補原任兩浙運鹽使司運使運日豫原官 義王孫可望薨

壬申

增設太常寺滿洲寺丞司庫各一員筆帖式三員通政使司滿洲知事一員 四川道御史楊表蘊言臣聞邸報見平西王恭請陞補方面一疏以付使胡允等十員俱擬陞云南各道并奉差部曹亦在其內且不勝駭異夫用人國家之大權惟

朝廷得主持之從古至今未有易也即前此經略用人奉有吏兵二部不得肘掣之旨亦惟以軍前効用各官或五省中人地相宜資俸應得者具題從未聞以別者不相干涉之處及見任京官分然望缺定澍如該藩今日者也且拋諛藩疏求于滇者既苦索駿之無良求於遠方又忍叱取之不速即如所言河南蜀省去滇稍近猶可計日受事若京師山東江南等處距滇南萬里不知所謂遠更何在也况該藩同人皇上所以特假便宜者不過欲就近調補無悞地方

耳若盡天下之官不分內外不論遠近皆可擇而
取之則何如歸其权于吏部照常銓受尤為名正
言順也即雲貴新經开辟料理乏人諸臣才品為
該藩所知宜先訂具題奉旨俞允然後令吏部照
缺籤補猶不失權宜之中計乃徑行擬用無異銓
曹不亦輕名器而褻國体乎夫古來人臣忠邪之
分其初莫不起于一念之敬悖在刻藩別歷有年
應知大体即從封疆起見未必別有深心然防微
杜漸當慎于机先伏乞
天語申飭令該藩嗣後惟力晉進取加意綏輯一切

威福大權俱宜稟命

朝廷則

君恩臣誼兩得之矣章下所司

丙子

裁四川威茂監軍道

丁丑

命吏部尚書覺羅伊晉礼部尚書礼赫兵部尚書
蘓納海刑部尚書雅布蘭杜立德工部尚書郭科
會同校訂律令 兵部銓儀衛會覆憲臣霍達疏
言銓儀衛冠軍使雲麾使治儀正整儀尉各官俱

司

駕儀重務查向末功臣及殉難子弟廕精奇尼哈番者註查儀衛阿思哈、番以下拖沙喇哈番以上等官俱駐外衛今議將以上各項官俱改註查儀衛如遇該衛員缺本衛堂官會同考選才優年壯者不拘世職品級大小酌量開列奏請兵部照例題覈補授照例陞轉至本衛有辦事掌房掌案貼房貼案勞久資深端方練習者照旧兼用但由此項出身者日後揆推止許至雲雲麾使不得越陞冠軍使以重名器從之 都察院遵諭議福建巡

按李時茂違例荐奉逋府四員顯有情弊相應解時茂任下吏部從重議處從之

戊寅

添設光祿寺滿洲署丞二員監事四員筆帖式八員免河南睢州杞虞城柘城永城夏邑等縣河決淹沒地畝額數 刑部等衙門會覆夙陽巡撫林起龙疏言

皇上立法懲貪官犯十兩後犯贓一兩以上者流徙贓重者分別斬絞今抚臣林起龙立法過重不犯抵死不招徒有流徙之虛名致棄元餉之實用

臣等議今後貪官犯贓仍照律追擬以助軍需其
衙役犯贓仍照律追擬以助軍需若照律擬罪恐
法輕不足懲奸今後衙役亦照官津擬罪得旨貪
官蠹役害民屢懲弗悛不得不特立戾法與人
畏懼者改貪心始不負朕懲貪救民之意今林起
有疏稱祇緣法重以致人犯抵死不招追贓甚少
爾等會議請仍照律擬罪贓追入官以助軍需與
其畏法不招何如使其畏法不貪與其饜足貪腹
以賍濟餉何如使其不貪民得豐富錢糧充足朕
明知五法既嚴於貪官蠹吏有所不便必懷怨心

但軫念民生所為貪蠹所怨亦不遑恤若不如此
貪風何由止息小民何由安生仍着遵所諭行林
起有奏與爾等所議俱不合理着炭餘行

唐辰

端敬皇后百日遣內大臣伯索尼致祭是日諸王以
下文武官員以上公主王妃以下各官命婦以上
齊赴喪次 移甘州巡撫駐劄涼州允陝西巡按
孫吉午請也 免江南五湖安東二縣十六年分
水災額賦

辛巳

吏部遵諭議八旗滿洲蒙古漢軍佐領缺出除有
除有兄弟子侄者仍照前開送題補外其無兄弟
子姪者各該旗佐領下有才品優長出征勤勞者
年久滿洲蒙古五品以上漢軍除由以僕陞授分
得撥什庫外其餘分得撥什庫友五品以上每旗
各選十人分定次序咨部俟無兄弟子侄佐領缺
出臣部按次擬正陪具題此等選補佐領缺出仍
于所選十人內挨次擬用如十人俱已用盡仍如
前將有才品再選十人咨部奏入命同內大臣索
尼奏 吏部覆四川巡按張所志疏言四川遂寧
縣向因地荒民稀歸併蓬溪今百姓既漸來歸且
係行鹽之地應如按臣請復設縣令從之

大清世祖體天隆運英睿欽文大德弘功至仁純孝
章皇帝寔錄卷之一百四十三

順治十七年十二月壬午朔

皇太后遣公遣必隆祭

端敬皇后 降江西袁州叅將孫加印為浙江衢
州副將廣東廣州水師左協叅將吳文猷為河南
協守開封付將福建州水師署付將韓尚亮為
江西南贛右協付將陝西慶陽署副將王可就為
浙江杭州城守付將 兵部議覆御史艾元徵疏
言湖寇陸二陳二聚眾行劫賄求招撫緣由應敕

江浙督撫嚴查至從前已撫之賊應行各該督撫
嚴行密訪有無通賊情形見在安插何地應移何
衙門効用務期解散黨類無使釀害地方嗣後果
係嘯聚積年巨寇率眾投誠准其招撫若草窳土
寇即行撲滅毋得濫撫以長亂萌從之

癸未

遣內大臣伯索尼祭

端敬皇后 賞考選軍政卓異總兵官張男付將張

瑋等袍服有差

甲申

降補吏部侍郎干代為都察院左付都御史 福
建道御史胡文孝言科場磨勘注例必俟直省殊
卷解齊公閱全完然後彙題濡遲時日彌縫轉移
為弊滋甚更有神奸巨慝乘人疑畏之際借端恐
嚇流毒無窮請敕部速將解齊殊卷移科公閱照
省分題庶公論早定而鑽營誤詐之弊絕矣得旨
這本說的是禮部議奏 內大臣會同刑部覈審
耿燊一案已經病故相應免議賈一奇賍數太多
應擬絞監候楊桂英貪賍十兩以上應革職免籍
沒責四十六板流徙寧古塔尚枯鄉送耿燊銀兩涉

虛張有才轉送銀与耿焯亦虛俱應免議上聞得旨貪官本身既經流徙乃免其家產籍沒今耿焯未經流徙病故應否籍沒家產着再行確議具奏

丙戌

諭吏部曰朕念諸臣世襲官職得之不易國家延世報功典至重也其不幸而無子孫者即行停襲何以示勸前經議定承襲世官應以親子孫襲替如無子孫應以親兄弟襲替此外宗派疎遠同族同姓者不准襲替及嗣恭疎遠宗族之子者亦應不准襲替其襲替時應照見在世職之人為派自

定此議後反覆思惟于朕初心尚未愜世職襲替應論得功本身使之相承若照見在世職之人為派或遇有乏嗣者雖永遠世職襲亦竟至斷絕殊為可憫凡係世職有子有孫者仍照常襲替外其無親生身子孫有本生祖父及親伯叔兄弟侄男侄孫際許襲替其嗣恭疎遠宗族之子不許承襲着永著為例如有照前議停襲者爾部即遵此諭察明應襲之人開列具奏

戊子

刑部侍郎尼滿会同駐防京口大將軍刘之源等

遵旨察馬逢知交通海逆突跡奏言臣等察有海
賊柳邛于沙浦港被擒逢知聲言係投誠之人停
苗信宿給食賞銀後又托言令注招抚海船竟殺
之還又海逆鄭成功曾遣偽付將劉澄令逢知穿
戴紗帽負領、兵投降逢知聲言欲殺劉澄而實
未殺反賞銀兩又差人以扇遺成功又將申報成
功投誠之本先示成功又蔡正係已經奉旨發回
之人不即斥逐私苗數月將正髮飛刺令短以便
潛注又遣人護送出境給銀兩孤腋褂附子等物
并寄成功書札至勸苗劉澄招抚之事訊之付將

趙光祖岑應元供稱並無覓勸解人趙光祖等供
劉澄帶來書係逢知弟馬三自逢知手接下裂碎
焚燬總之逢知當日叛逆逆賊雖未顯著然當海
賊率軍直犯江南之時托言招抚而陰附逆賊不
殺招波之人交通書信潛遣奸細注來此則臣等
審察所得之情節也疏入得旨這察審口詞着議
政王貝勒大臣核議具奏 鎮國公郭蓋卒謚端
純

乙丑

以鑲紅旗滿洲固山阿達哈、番夸扎為擺牙喇

恭領 予故廣東布政使司左布政使桑芸祭葬
如例 先是奉

上諭允攻城功次應視攻戰艱苦敵兵多寡而定不
可論城之貧富着另確議具奏至是部議允遇敵
寇甚眾我師從梯登陣艱苦攻克者為頭等第一
或敵寇雖眾至帥出謀制勝士卒從梯攻克不甚
艱苦者為第一等或敵寇雖寡我師從梯登陣艱
苦攻克者為第二等或敵寇既寡主帥復出謀制
勝士卒從梯攻克不甚艱苦者為第三等至敵寇
寡弱守禦猶堅我師從梯艱苦攻克者為第四等

攻克州城功較府城遞減一等攻克縣城功較州
城遞減一等衛與州同所與縣同允府州縣衛所
用紅衣大炮攻破我師奮勇前往其功較從梯得
城者俱各減一等或有察所築城我師艱苦攻克
者其功悉與得城同此外允遇府州縣衛所塞堡
山臺等處用力用計用間攻克等項眾寡遠近懸
議當俟臨期酌定從之

庚寅

工科左給事中楊萬疏言臣伏讀欽決各犯聚令
減等擬罪

上諭好生之德浩蕩無涯第按津減死一等皆為流
罪而迨來則例不同定擬難一法曹聚議或主內
流或主流徒盈廷紛雜未有定論若槩從新例遠
流非所以仰体

皇上矜宥生全之德意也臣以為

洪恩解網法宜從輕請敕法司各照定例減等照示
畫一以廣

皇仁章下部議

辛卯

叙擊敗海寇功授一等阿達哈：番阿西泰巴首

魯為三等阿思哈：番蕪喇章京高英齊嚴國棟
李廷芝署分得撥什庫拉爾敏博地為拖沙喇哈
番贈陣歿一等阿達哈：番兼一拖沙喇哈番固
山大胡深布魯拜他喇布勒哈番索博多各加一
拖沙喇哈佐領巴撒里撒爾泰俱為拜他喇布勒
哈番佐領邊塞分得撥什庫巴喀里阿哈里俱為
拖沙喇哈番

壬辰

以正白旗拜他喇布勒哈番泰齊赫為參領
癸巳

禮部以元二慶賀禮儀具奏得旨今年免行慶賀
禮

皇后獲咎于

皇太后三四年來未令朝謁

慈寧宮以浚行禮事宜有闕皇后者不必開列具奏

增設平西王下副都統六員 陞湖廣上湖南

道副使胡允為雲南布政使司叅議分守洱海道

刑部郎中李煊為雲南布政使司叅政分守金滄

道四川重慶府知府何毓秀為雲南按察司付使

管叅政事分守臨元道湖廣辰州府知知蘓弘謨

為雲南按察司副使清軍驛傳道安陸府知府馬

逸皋為雲南按察司付使分巡臨安兵備道永州

府同知紀元迪為雲南按察司余事分巡水利道

四川保寧府同知紀克典為雲南按察司余事分

巡金騰兵備道調補四川西道付使田萃禎為

雲南按察司付使分巡洱海道陝西關內道付使

藺一元為雲南按察司付使分巡曲靖兵備道

免江南邳州蕭宿遷沐陽等縣十七年水災田糧

有差 刑科左給事中金漢鼎疏言司寇為法官

之長非重大事情豈容輕易責告近有瑣屑情辭

株連無辜守候歲月者請勅部詳查審結或即與註銷且值此嚴寒乞遣內大臣及滿漢諸臣再為清理嗣後凡盛暑隆冬俱宜清理永著為例下所司知之

甲午

諭禮部曰端敬皇后在日奉事

皇太后克尽孝道贊助朕躬裨益良多爰遵懿命追封加謚一切喪祭典禮悉從優厚凡以仰紓皇太后眷悼慈衷展朕惓切痛怀并申諸王臣民悲傷感慕之誠數月以來拮据喪禮諸凡吉典皆暫

停罷朕念諸王臣民哀思勞萃未已是以駐蹕南苑間幸郊原聊自寬解以慰臣民近皆尚守服制吉事槩未奉行咸有慘然未舒之色乃未憮然今朕在宮中仍行期年之禮外從前喪禮尽行除免其

郊

廟視朝慶賀諸大典禮都着照旧奉行諸王以下至軍民人等凡吉慶等事亦照常行爾部即傳諭行賞車里土司刀未貂裘緞疋等物吏部覆憲臣霍達恭蒞朝生疏言不宜典試一款仍聽札亂

禮科嚴加磨勘試卷外其父喪開吊三日并糾拾
回生劣蹟即係朝生開送等事應教該城御史查
明再議從之

乙未

吏部覆憲臣霍達疏言司道內陞原當慎重嗣後
必歷練三四任曾奉卓異或有大功及荐多者每
歲定陞二人再查司道內陞舊例每年四人十七
年兩奉

諭旨內陞馬葉曾等九人是司
內陞已過其數應
于十八年照新例行可也從之

丙申

陞山西右布政使徐烜為貴州布政使司左布政
使福建按察使祁彥為河南布政使司右布政使
江西湖西道叅政班璉為山東按察司按察使江
南蘓松道付使王紀為山東布政使司叅政分守
濟南道山西大同道副使秦鉞為陝西布政使司
叅政分巡榆林東路兵備道直隸懷來道付使李
崇宗為陝西布政使司叅政分巡漢羌兵備道廣
東海北道叅議鮑開茂為陝西按察司付使分巡
西寧道直隸井陘道付使法若貞為陝西布政使

司叅政分巡河西道江西南昌道叅議姜晉南為
山東按察司付使分巡濟南道陝西高維道叅議
盛復選為湖廣按察司付使分巡下荆南道湖廣
武昌道叅議戚良宰為福建按察司付使分巡福
寧道山東濟南府知府吳南岱為廣東按察司付
使分巡清軍驛傳道外轉刑科給事中姚啟盛為
貴州按察司余事分巡都清道御史陸光旭為山
西布政使司叅議分守冀南道補降調蘓松督糧
道叅政王添貴為江南按察司副使分巡徽寧道
旌表節婦廣東河源縣民李琮妻江氏東莞縣生

貞趙汝續妻鍾氏給銀建坊如例 山西道御史
余縉言浙省三面環海而寧波一郡尤孤懸海島
往時以舟山為外藩設兵鎮守俾賊不敢揚帆直
指策至善也邇來行間諸臣忽倡捐棄之議倘形
勝之地逆賊一旦扼而有之非近犯寧波則遠窺
江左應設一忠勇之將重其事權隨抗措置更徙
內地之兵增益營壘以固殫圍至抗紹兩境相對
處地名小門其間江流甚隘若于此戾設防戍安
置砲臺令賊舟不能溯江入犯則會城永無風鶴
矣疏下部議

戊戌

免直省隸慶都縣十七年被災田地額賦
已亥

加巡撫山西兵部尚書兼都察院右都御史白如
梅太子少保以兵餉全完故也 理藩院題喀爾
喀部落土謝圖汗車臣汗畢西勒爾晉汗等每年
應令進貢白馬八疋白駒一隻其管固山汗貝勒
及台吉為首大臣喇嘛等許其來京進貢主小台
吉喇嘛等托名貢馬貿易永行停止仍不許入邊
境若欲置買恭帛等物俱令歸化城交易命嚴行

曉諭

庚子

授宗室馬喀納三等鎮國將軍品級 內大臣伯
索尼等遵諭會議佐領缺出如于本鎮內預選才
品兼優者十人俟缺出補用恐係別佐領下人則
須更換壯丁且莊材不在一處難以鈐束其選條
相迎停止仍照旧行再察定例凡補各處章京如
係

皇上旗內者該都統副都統啟奏咨部該部議定如
係別旗者該部于各該王貝勒下取應補之人具

題尚係

皇上所知之人即行補用不則仍向該王貝勒詢其
可用令補各項章京不詢該王貝勒止據該都統
付都統所擬止陪補用則其優劣無由而止嗣後
允補授章京如係

皇上旗內者仍許該都統副都統啟奏咨部如係別
旗者許各該都統付都統詢其各該王貝勒取二
三人姓名用印咨部該部議定正陪具題奏入
之吏部都察院會覆御史陸光旭疏言科道互
糾久有定例公議再行申飭至于劉正宗犯罪失

劾臺省諸臣滿官議應將見任科道議處漢官議
劉正宗原係言官劾而言官無其人具本之例
應免議處議上得旨科道互相糾參着照例通行
嚴飭餘依前議會議不許滿漢各為一議久經奉
旨今復分滿漢兩議殊為不合着炭敕行 旌表
直隸孝子內丘縣生員智懷行列婦唐縣生員程
格妻王氏節婦元婦縣民王望山妻李氏內丘縣
民邢一儒妻王氏濬縣生員王元勛妻尹氏藁城
縣民張宗舜妻馬氏滄州生員張迪吉母王氏給
銀建坊如例 以故四川成都總兵官二等阿達

哈：番惠應詔子占春襲職

癸卯

補原任浙江道御史李振宜為湖廣道監察御史
鑄給車里軍民宣慰使司印 以故一寺精奇
尼哈番兼一拖沙喇哈番祖澤潤子植松襲職
內大目同刑部會官未經流徙題貪身故者家產
原不籍沒但耿焯身係巡撫不思盡心報國乃賍
私累、情罪重大除耿焯妻子外家產相應籍沒
入官餘仍應照前議從之
甲辰

皇第八子永幹生 補原任編修汪煉南原官
吏部遵諭察應襲姓名陳泰原係一寺精奇尼哈
番兼一拖沙喇哈番病故曾与其侄尼滿承襲后
尼滿病故已經停襲今應于尼滿親叔之子伯奇
承襲綽克番原係一寺阿達哈：番病故停襲此
職係綽克托祖花奇塔特之職今應与花奇塔特
親兄之子卓爾賓承襲庫札原係一寺阿達哈：
番兼一拖沙喇哈番病故子岳岱承襲岳岱病故
已經停襲今應与庫里親琳之子扎爾護承襲拜
音克原係拜他喇布勒哈番兼一拖沙喇哈番病

故停襲今應与其親姑之子沙哈那承襲阿那原
係二等阿達哈、番病故停襲今應与其親叔之
子吳喇代承襲阿賴原係三等阿達哈、番病故
停襲查此或係阿賴祖海諸護之或今應与海諸
護親兄之子白陰柱承襲定南王下孫豹原係三
等阿達哈、番病故其子延運承襲延運陣亡已
經承襲今應与豹親叔之子麟承襲開列上聞
之 旌表八旗節婦鑲黃旗兵納木火妻衛黑兒
正紅旗兵布士泰妻艾木代主護妻根姐撒吟泰
妻孫姐擺牙喇惡薄輝妻庸惡兒哈拉鑲紅旗泰

領納兒寨妻偏俄正藍旗兵蕪班妻蕪班代鑲藍
旗兵郭合尼坎妻吳柰黑鈕妻科哈柰擺牙喇朱
黑納妻飛野論兵傅達里妻金代俱夫故守節烈
婦鑲藍旗兵沙妻阿氣撥什庫和尚妻舒書正黃
旗兵可兒星妻常黑姐翁幾妻根哲撥什庫察哈
達妻常泥正白旗兵傅二丹妻根姐鑲白旗擺牙
喇蕪拉妻莪色撥竹庫尹泰妻瓦爾達兵翔 妻
何脫郭拜妻温姐巴海妻 倪正紅旗代祿妻焯
柰鑲紅旗擺牙喇哈巴里妻篇固正藍旗兵德濃
格濃妻門姐齊格妻諾姐未藍太妻卦賢鑲藍旗

撥什庫莫拜妻庫爾哈兵具把海妻格尹姐俱殉
夫自尽給銀建坊如例

乙巳

諭禮部曰乳母李氏當朕誕毓之年入宮撫哺盡
心奉侍進食必飢飽適宜尚衣必寒溫應候啼笑
之間曲意調和期于中節言動之際相機善道務
合規程諸襁褓慈無不周詳懇摯睿王攝政時
皇太后与朕分宮而居每經累月方得一見以致
皇太后索懷彌切乳母又能竭尽心力多方保護誘
扶

皇太后慘念慈衷賴以寬慰即讀書明理者未必過
是此其吳德今者罕聞乃一旦溘焉長逝深堪惻
悼應予追封恩卹典禮宜從優厚爾部即詳察典
例確議具奏 禮部覆郵史胡文李疏言各直者
試卷解到原有先後臣部及禮科隨到隨閱俱于
二月場前閱畢具題今科解到試卷除順天等六
處閱完外其餘陸續解到各卷隨月送科閱完即
行具題應如臺臣所請不必拘定旧例其 棍臣
乘机借名指詐自應重法處治應聽五城御史
查明糾參疏入得旨這鄉試殊卷着速行磨勘不

得稽延滋弊如有棍徒乘机指詐着五城御史嚴
察據實糾察

丙午

鎮國公喇篤祐卒謚純

丁未

諭吏部尚書賚羅伊圖曰賈布嘉勤勞年久驅使
獨多三旗大臣暇員無有不知者着於拖沙喇哈
番加陞為一等阿達哈。番鄂洛雖不及賈布嘉
然効力勤敏着授拖沙喇哈番

戊申

以歲暮行裕祭禮遣官告祭

太廟

己酉裕祭

太廟遣內大臣伯索尼行礼 遣官祭

福陵

昭陵

永陵 遣官祭太歲月將之神 祭五祀之神

庚戌

遣內大臣蘇克薩哈祭

端敬皇后 是歲人丁戶口一千九百八万七千五

百七十二田地山蕩五百一十九萬四千三十八
頃三十畝畦地二萬二千六百四十二个徵銀二
千五百六十六萬四千二百二十三兩有奇米麥
豈六百一萬七千六百七十九石五斗有奇草二
百二十六萬六千六百二十五束中茶八萬七千
五百一十五篋行鹽四百一十萬五千八百九十
七引徵課銀二百一十七萬六千八百一十六兩
鑄滿字錢二百萬八千
有奇銅錢二十萬一千二百一十有奇鈔一十二
萬八千一百一十二貫四百七十有奇

大清世祖體天隆運英睿欽文大德弘功至仁純孝
章皇帝寔錄卷之一百四十四

順治十八年春正月辛亥月

上不視朝免諸王文武群臣行慶賀禮 祭
太廟遣都統穆理瑪行礼

壬子

上不豫

甲寅

信郡王多尼薨年二十六追封多羅宣和郡王

丙辰

諭禮部曰

大享殿合祀大典朕原欲親詣行礼用展誠敬茲朕躬偶尔違和未能親詣應遣官恭代着開列應遣官職名具奏禮部即遵諭行

上大漸遣內大臣蘓克薩哈內諭京城內除十惡死罪外其餘死罪及各項罪犯悉行釋放

丁巳

夜子刻

上崩于養心殿遺詔天下詔曰朕以涼德承嗣丕基十八年于茲矣自親政以來綱紀法度用人行政

不能仰法

太祖

太宗謨烈因循悠忽苟安目前且漸習漢俗於淳朴舊制日有更張以致國治未臻民生未遂是朕之罪一也朕自弱齡即遇

皇考太宗皇帝上賓教訓撫養惟聖母皇太后慈育是依

大恩罔極高厚莫酬惟朝夕趨承冀盡孝養不孝子道不終誠悃未遂是朕之罪一也

皇考賓天時朕止六歲不能服哀經行三年喪終天

抱恨惟侍奉

皇太后順承顏志且萬萬年之後庶幾子職少抒可憾今永違膝下反上塵

聖母哀痛是朕之罪一也宗室諸王貝勒等皆係太祖

太宗子孫為國藩翰理宜優遇以示展親朕于諸王貝勒等皆接既踈恩惠復鮮以致情誼睽隔友愛之道未周是朕之罪一也滿洲諸臣或歷世竭忠或累年効力宜加倚托盡厥獻為朕不能信任有為莫展且明季失國多由偏用文臣朕不以為戒

反委任漢官即部院印信間亦令漢官掌管以致滿臣無心任事精力懈弛是朕之罪一也朕夙性好高不能虛己延納於用人之際務求其德與己相侔未能隨材器使以致每嘆乏人若舍短錄長則人有微技亦獲見用豈遂至于奉世無才是朕之罪一也設官分職惟德是用進退黜陟不可忽視朕於廷臣中有明知其不肖乃不即行罷斥仍復優容姑息如劉正宗者偏私踈忌朕已洞悉心乃容其久任政地誠可為見矣而不能奉見才肖而不能退是朕之罪一也國用浩繁兵餉不足

然金花钱粮尽給宮中之費未嘗節有筭施及度
支告匱每令會議即諸王大臣會議豈能別有
策祇得議及裁減俸祿以贍軍餉厚已薄人並
損下是朕之罪一也經營殿宇造作器具務極
工求為前代後人所不及無益之地靡費甚多乃
不省察因體民艱是朕之罪一也端敬皇后
於

皇太后克尽孝道輔佐朕躬內政聿修朕仰奉
慈綸追念吳淑喪祭典礼概從優厚然不能以礼正
情諸事太過踰濫不經是朕之罪一也

祖宗創業未嘗任用中宮且明朝亡國六日委用宦
寺朕明知其弊不以為戒設立內十三衙門委用
任使与明無異以致營私作弊更踰注時是朕之
罪一也朕性執剛好靜常圖安逸燕处深宮御朝
絕少以致与廷臣接見稀疎上下情誼否塞是朕
之罪一也人之行事孰能無过在朕日御万机自
然多有違錯惟肯听言納諫則有過必知朕每
恃聰明不能聽言納諫古之良賈深藏若匣君子
盛德容貌若愚朕于斯言大相違背以致臣工
默不肯進言是朕之罪一也朕明知有過每日剋

責生悔乃徒尚虛文未能有改以致過端
尤愈多是朕之罪一也

太祖

太宗創垂基業所闡至重元良儲嗣不可久虛朕
終氏妃所生年八歲之疑穎慧克承宗祧茲立為
皇太子即遵典制待服二十七日釋服即皇帝
特命內大臣索尼蘇克薩哈邁必隆鰲拜為輔臣
伊等皆勲旧重臣朕以腹心寄托共勉矢忠盡保
翊冲主佐理政務布告中外咸使聞知 是歲三
月癸酉上尊謚曰

體天隆運英睿欽文大德弘功至仁純孝章皇帝廟
號

世祖康熙二年六月壬寅葬

孝陵

上在位十有八年壽二十四

上冲齡踐祚續承丕緒式廓鴻圖維時明運已終源
氛津虐四方鼎沸萬姓陸危

上應天順人命將出師百萬巨寇一戰而克竟之
燕京為天下生民主未踰旬月齊晉秦豫傳檄
降由是平江淮定楚蜀下浙閩王師所向士女

迎西粵滇黔以次底定雖士勇兵強克敵奏凱
進止方略悉稟

廟謨以故海宇廓清用成大一統之業武功赫濯
以加已

上以上聖之資承大亂之後念紀綱凋弊博採衆謀
監于成憲凡孔樂刑政措止施行罔不粲然明備
期以明作惇大之道建久安長治之基彬々乎休
声遺烈有唐虞三代之風焉如敬

天地則郊壇禋祀之交虞享

宗廟則禘祫烝嘗之畢舉臨雍釋奠在文尊師以明

人倫復民性耕籍步禱發帑蠲租以厚民生固邦
本修賦役全書以辛無藝之征定大清律令以滌
煩苛之法減常貢以緩怀遠人停營造以愛惜民
力辨吳奸慎黜陟以具吏治勤召對廣諮訪以達
人情掄才重制科定典祀賢下徵辟之書崇祀讓
尚廉耻以敦厚風俗遣恤刑停秋決以重惜民命
諸如祀故明陵寢為崇禎帝立碑優卹勝國亦
之臣一切曠典度越前代事當開闢之時戈昭
烈之盛固已規模弘遠範圍古今矣

上聖神文武秉自生知仁孝信慈出於天性事

太后太后先意承志仰恆惟心雖一日萬几而問
視孝恭之道靡不周至定省之餘長跼受教
慈訓出涖臣民以至御衆以寬接下以誠虛已遇

後之材降志從忠直之諫董勸庶僚而刑賞

保全勲旧而恩礼有加是以文臣武士宣力協心

得人稱最盛焉而尤孜孜治道惟日不足篤好儒

術探求闡文雖在輦輿手不釋卷建學齋于宮中

秉烛披覽常至夜分御製資政要覽內則衍義編

緝

祖宗聖訓孝經衍義諸書奉行經筵日講詔建景運

門直序制度文章史不勝紀道法兼備德化並隆
以致声教所通靡遠弗届東至使鹿使犬西至厄
内忒黑土魯番北至喀尔喀倭洛斯南至琉球暹
羅荷蘭西洋諸國皆梯山航海重譯來朝稱臣闕
下嗚呼惟

上之有天下也武除禍乱文致太平德風偃于群黎

威震動乎絕域如西儀之無不并包以日月之

不燭照自古興王之跡詩書所載未有若斯之

備者也弥由詔下深山窮谷莫不奔走悲號如

妣深仁厚澤洽於人心功德顯豔萬祀不泯

盛矣。

卷之一百四十四終



